

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

**KRITERIJI I POSTUPAK
POPUNE NEDOSTAJUĆIH MANDATA U DOMU NARODA PARLAMENTA
FEDERACIJE BOSNE I HERCEGOVINE**

Sarajevo, novembar 2022. godine

Na osnovu člana 2.9 stav (1) tačka 2. 6,10 i 12. i člana 10.16 stav (3) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), te člana 38. stav (4) Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine broj: 05-1-02-2-2368-1/22 od od 04.11.2022. godine, Centralna izborna komisija Bosne i Hercegovine na 82. sjednici, održanoj 04.11.2022. godine, utvrđuje

**KRITERIJE I POSTUPAK
POPUNE NEDOSTAJUĆIH MANDATA U DOMU NARODA PARLAMENTA
FEDERACIJE BOSNE I HERCEGOVINE**

**Član 1.
(Predmet)**

Utvrdjuju se kriteriji i postupak popune nedostajućeg delegata iz reda konstitutivnog naroda ili iz reda ostalih u Dom naroda Parlamenta Federacije Bosne i Hercegovine nakon provedenih procedura utvrđenih u članu 10.10 do 10.16 Izbornog zakona Bosne i Hercegovine.

**Član 2.
(Kriteriji)**

Za popunu nedostajućeg delegata iz reda konstitutivnog naroda ili iz reda ostalih u Dom naroda Parlamenta Federacije Bosne i Hercegovine, Centralna izborna komisija Bosne i Hercegovine utvrđuje i primjenjuje sljedeće kriterije:

- a) broj stanovnika iz reda nedostajućeg konstitutivnog naroda ili iz reda ostalih po kantonima uzimajući u obzir apsolutni i procentualni broj stanovnika u odnosu na ukupan broj stanovnika,
- b) kvalifikovanost političkih subjekata (prijeden cenzus i osvojen najmanje jedan mandat u skupštini kantona), a koji ima kandidata na kandidatskim listama iz reda nedostajućeg konstitutivnog naroda ili iz reda ostalih i
- c) broj osvojenih ličnih glasova kandidata sa liste političkog subjekta iz tačke b) ovog člana.

Član 3.
(Postupak)

(1) Nepopunjena delegatska mjesta pripadaju kantonima koji imaju najviše stanovnika iz reda nedostajućeg konstitutivnog naroda ili iz reda ostalih u apsolutnom broju stanovnika kantona i procentualnom broju stanovnika u odnosu na ukupan broj stanovnika u kantonu, a koja nisu popunjena ni nakon provedenog postupka iz člana 10.16 Izbornog zakona Bosne i Hercegovine.

(2) Popuna delagata u Domu naroda Parlamenta Federacije Bosne i Hercegovine vrši se kandidatima sa kandidatskih listi političkih subjekata koji su osvojili mandat u skupštini kantona iz stava (1) ovog člana, koji ima kandidata na kandidatskim listama iz reda nedostajućeg konstitutivnog naroda ili iz reda ostalih.

(3) Delegatsko mjesto dodjeljuje se kandidatu iz reda nedostajućeg konstitutivnog naroda ili iz reda ostalih koji je osvojio najveći broj ličnih glasova u tom kantonu iz političkog subjekta koji je osvojio najmanje jedan mandat u skupštini kantona.

Član 4.
(Mandati)

Mandati se dodjeljuju pojedinačnim odlukama Centralne izborne komisije Bosne i Hercegovine u skladu sa kriterijima iz člana 2. ovog akta.

Član 5.
(Primjena)

Ovaj akt se primjenjuje danom utvrđivanja, a objavit će se u "Službenom glasniku BiH", "Službenim novinama Federacije BiH", "Službenom glasniku RS", "Službenom glasniku Brčko distrikta BiH" i na internet stranici Centralne izborne komisije BiH www.izbori.ba.

Broj: 05-1-02-2-2368-2/22
Sarajevo, 04.11.2022. godine

